

Konjic, 06.12.2015. godine

ZAVRŠENO 34. SENIORSKO PRVENSTVO  
ŠAHOVSKOG KLUBA „IGMAN“ KONJIC ZA 2015. GODINU  
**Majstor Tigran Kojić - novi stari prvak**

Šahovski klub „Igman“ iz Konjica je jedan od najaktivnijih sportskih klubova u Konjicu i jedini premijer ligaš iz ove općine.

Klub ima 71 registrovanih igrača, od kojih su 1 IM (Gorić), 1FM (Kojić), 25 MK i 9 igrača prve kategorije. Ukupno je 27 igrača sa FIDE rejtingom. Pri klubu djeluje Šahovska škola koja radi u Prvoj osnovnoj školi sa 22 polaznika. Među njima je ovogodišnji kadetski prvak BiH do 12 godina Samuel Zenelaj.

U nedjelju 06. decembra 2015. godine u Konjicu je završeno ovogodišnje seniorsko prvenstvo ŠK Igman.

Ovogodišnje takmičenje je održano je u dvije faze - kvalifikacije i finalni dio. U finalnom dijelu koji je odigran 5-6. decembra u velikoj sali Motela „Konjic“ učestvovalo je 12 igrača, a igrali su po Bergerovom sistemu (svako sa svakim) 11 kola uz tempo od 25 minuta plus 10 sec od početka partije.

Na turniru su svi učesnici imali svjetski FIDE rejting, a posebnu draž daje podatak da je po drugi put uzastopno na seniorskom turniru učestvovao kadet Samuel Zenelaj, inače kadetski prvak BiH do 12 godina.

Na osnovu sastava igrača, smatra se da je ovogodišnje prvenstvo bilo najjače do sada. Na turniru su igrala šestorica igrača koji su već osvajali titule prvaka kluba.

Prvi rejting favorit turnira bio je FM Tigran Kojić, koji je branio titulu prvaka kluba osvojenu prošle godine.

Nakon vrlo zanimljivih i korektnih borbi, turnir je završen pobjedom prošlogodišnjeg šampiona **FM Tigrana Kojića** sa 10 poena iz 11 partija.

Drugo mjesto osvojio je **Muamer Mrndić** sa 9 poena.

Treće mjesto zauzeo je **Almir Mataradžić** sa 8 poena, četvrto mjesto **Armin Mrndić** sa 7,5 poena. Peto mjesto pripalo je veteranu **Ćazimu Muhibiću** sa 7, koliko je imao i **Dubravko Kovačić** na šestom mjestu.

Sedmo mjesto osvojio je **Jakub Džafić** sa 4,5 poena, osmo **Fisnik Zenelaj** sa 4 poena, deveto **Šerif Lavić** sa 3 poena, deseti **Samuel Zenelaj** sa 2,5, jedanaesto mjesto osvojio je **Safet Lapo** sa 2 poena, a dvanaesto mjesto pripalo je **Salki Bajiću** sa 1,5 poena.

Šestorica prvoplasiranih su dobili novčane nagrade i stekli pravo direktnog učešća u finalu prvenstva kluba za 2016. godinu.

Sudijski kolegij u sastavu dr Mulić, Kovačić, Zenelaj, Lapo i Muhibić dobro je obavio sudijsku zadaću.

Dosadašnji pobjednici prvenstava Kluba:

1993: Šurković Elvir, 1994: Lepara Sadik, 1995: Hodžić Habib, 1996: Novalić Miralem, 1997: Hodžić Habib, 1998: Ramić Šefik, 1999: Mrndić Armin, 2000: Bajić Rašid, 2001: Mrndić Muamer, 2002: Mrndić Muamer, 2003: Mrndić Muamer, 2004: Mrndić Armin, 2005: Kerić Amer, 2006: -, 2007: -, 2008: Džafić Jakub, 2009: Kraljušić Nail, 2010: Kovačić Dubravko, 2011: Mrndić Muamer, 2012: Mrndić Muamer, 2013: Mrndić Muamer; 2014: Kojić Tigran, 2015: Kojić Tigran.

Za ŠK Igman  
Dr Mulić S